



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrōno.

QUÆSTIO MEDICA,

QUOD LIBETARIIS DISPUTATIONIBUS

*manè discutienda, in Scholis Medicorum, die Martis decimâ-tertiâ
mensis Decembris, Anno Domini M. DCC. LVII.*

M. JOANNE MACMAHON,

Antiquo Exercituum Regis & Nosocomiorum Militarum

Medico Regis Consiliario & Regiæ Scholæ Militaris

Medico ordinario, Doctore Medico, Præsidente,

An in acutis dolente capite Saphenæ Sectionem tardare malum?

I.



UEMADMODUM quibus procul negotiis, sanâ
mente, in corpore vegeto, frui datum est, latissi-
mus brevisque effluit dies; ita lentè admodum &
tardo gradu decurrit si tristibus anxii curis, viribus
destituti gravi laborantes decumbunt morbo. Infe-
lix sanè hominum genus cui longè plures insidiantur morbi

A

quàm famulantur partes : infeliciùs cui rarò levis armaturæ simp-
plexque occurrit debellanda ægritudo. Ast plurimi quasi ca-
tervatim impetum faciunt aut insidiantur , suis ut junctis viribus
machinam humanam cutiùs labefactent. Unaquæque pars sit
sedes & labyrinthus malorum inextricabilis , solius Hippocratis
filo resolvendus , quoties viæ in ægrorum salutem adeò solerter
inventæ , operibusque immortalibus conscriptæ Clinicus sedulo
insistet. Quis enim morbos accuratiùs descripsit , de illorum sorte
veriùs vaticinatus est , curationem feliciùs absolvit ? Simplicium
morborum numerum indefinitum fatentur Medici , compositorum
quis assignabit ? Quis morbum acutum multis aliis implicari
inficias ibit ? Nonnè febris quæ præcipuas strages edit , pejora-
que molitur , primarum viarum infarctu gignitur ? Nonnè sibi sem-
per comites adjungit , tensionem , erethismum , dolorem &c ? Quem
admodum nihil acuto morbo complicatus , sic nihil pera-
cuto periculosius. Nullus sua tempora percurrit velociùs. Ille
stridentis , hic subito furentis adinstar procellæ fugientem ra-
tem conquassantis , machinam humanam laeessit , brevique na-
turæ viribus potentior , neglectis Medicinæ auxiliis ad interi-
tum protrahit. Quempiam ubi corripuit , subvertuntur omnes
functiones , membra inertia & veluti prostrata resolvuntur mor-
bidâ vi. Sanguis in corde fortiùs frequentiusque contracto æstuans
in omnes partes impetum facit & eas immodico torret calore ,
tota cutis exsiccata adurit tactum , respiratio cita , anhelosa &
sublimis est , arescunt os , nares ; aspera lingua sorditie & ni-
gredine squallet , vix aridæ fauces humectantur. Nauseâ , vo-
mitu , singultuque torquetur æger , valido & gravi excruciat
dolore & auxietate circâ stomachum , alvi dejectiones retinentur.
Urinam tenuem , parcam , rubram , flammeam mingit. Perspi-
ratio vix ulla , pulsanti dolore gravatur caput , turbatur som-
nus : cum febris deferbuerit profundus gravisque sopor obrepit.
Excandescente febre portentosa rerum simulacra sensibus &
menti sese objectant , quibus continuo succedit mentis aliena-
tio , delirium ; tendinum accedunt subsultus , non caput modò
sed & artus ipsi saltu quodam à tremore diverso invitis ægro-
tantibus jactantur. Labia , lingua convulsionibus agitantur ,
oculi fixi , scintillantes lacrymas sponte fundunt , sanguinis stil-
licidia par nares , alvum , renes , ad hæmorrhagiam usque sæviunt ,
in hominibus per hæmorrhoides , in mulieribus per uterum.

I I.

Vix ullum morbum acutum absque dolore capitis repe-
rias. In primariis citiùs , in secundariis tardiùs grassatur.
Ut inflammationum dolor & febris , sic febrium acutarum

inflammatio & dolor sunt individui comites (a). Utrisque præbet ansam immoderata sanguinis quantitas primarum viarum ut plurimum inquinata foridibus. Illæ vires opprimuntur, his sollicitatur, irritatur, tenditur, angustatur totus humorum alveus, acceleratur sanguinis motus, rarefit, exsiccatur. Aucto circuitu circumactus & veluti expressus heterogeneus humor undique tentat exitum, ad imbecilliores partes appellit eò graviora inflicurus mala, quò debiliores simulque magis vitæ necessariæ partes infestantur. Nulla in corpore pars est cerebro nobilior (sensuum namque & motuum sedes est) nulla mollior, nulla præter corpus callosum, medullam oblongatam & spinalem insensibilior. Hujus substantiam vix resistentem facillè subit pressus undique sanguis, congeritur stagnat, brevique, graviore mole obrueretur tota cerebri moles nisi sociâ inflammatione tentaretur dura mater. Hæc membrana (b) exquisitissimo sensu prædita lancinanti, & pungitivo dolore distenta cerebri congestionem indigit Medico. Hæc autem suprema corporis pars pro molis suæ propriique usûs ratione quàm cæteræ partes copiosiori sanguinis irroratur quantitate. Sextam (c) enim partem purpurei laticis singula cordis contractione eructati admittit cerebrum, sextâ etiam parte quantitatis motûs à corde impressi arteriarum carotidum & vertebralium parietes diducuntur in statu naturali. Cerebri vasorum multitudine, tenuitate & inflexibus magis ac magis obtunditur sanguinis impetus. Postquam enim cranium subierunt vasa, in ramos dividuntur totam ejus peripheriam ambientes. Hi ramulis ortum præbent qui substantiam cerebri pervadentes exigentiam suam deponunt membranam, insecunturque sic denudati in omnes gyros & anfractus cerebri, donec in lymphatica, hæc in spirituosa vasa & in venas commutentur (d). In febribus autem augetur sanguinis motus, arteriæ cerebri fortiores experiantur pressionem, magis dilatantur arteriolæ, pressio lateralis major est, majori appellente sanguinis quantitate, quam quæ revehitur ad cor, oppletur caput, comprimitur dura mater à centro ad circumferentiam impeditur egressus sanguinis per sinus in suâ substantiâ excavatos effluxuri, ut & ingressus per arterias eam pervadentes. Sic distenditur, sensu torquetur molesto & inflammatur hæc membrana. At vero quò promptior est sanguinis in cerebro congestio, eò lentior est resolutio. Eodem doloris gradu

(c) Helvetius
æcon. anim.
tom II. Lettres
s. pag. 182.

(d) Boerha
instit. Med.

(a) Quos acuto morbo extinctos | triculo tentatos observavit.
secut. Hoffmannus, eos inflamma- | (b) Vid. Thef. an in sensibilitas,
tione aut sphacelo in cerebro aut ven- | sic & irritabilitas à nervis?

4

faviente, nulla pars in inflammationem, gangrenam & sphacelum abire citius quam cerebrum. In acutis instant momenta, in peracutis urgent. In his & illis venæ sectio celebretur, sed non indiscriminatim. Sanguinis missionem postulat ejus adaucta moles, iteratam præscribunt affectæ partis excellentia & magnitudo morbi. Nullum præstantius remedium excogitarunt Medici, nullumque saphenæ sectione tutius præsertim cum mali sedes caput occupat. Cunctatio scelus est, principiis obstare præcipit Hippocrates.

III.

TRIPLICIS generis est capitis dolor in morbis acutis, idiopathicus, sympathicus & symptomaticus. Primas strages edit in phrenitide & apoplexiâ. In hac omnes sensus & motus, exceptis respiratione & cordis motu abolentur. In illâ delirium est universale cum febre, magno æstu, carotidum pulsatione, dolore capitis irrequieto, tremore, convulsione. Pro ratione sensibilitatis & consensus cum capite dolorem gignunt cæterarum partium inflammationes. Tantus est ventriculi & intestinorum cum capite consensus, & capitis reciprocatio, ut horum depravatæ functiones mærorem, tristitiam, mentis alienationem, capitis dolorem, delirium, procreent. Vix inflammatione tentantur quin vicinæ partes non modò eadem inficiantur, febris acutissima insurgat, pulsus fiat durus, contractus, frequens, respiratio difficilis cum singultu, vomitu, convulsionibus, alvi constrictionibus, sed ad caput usque citò propagetur. Ubi duram matrem spasmus corripit, cibi fastidium, tormina & anxietates exercent præcordia; inflammatione, aut ab inflicto vulnere sauciata, adeò ventriculum in consensum rapit, ut vomitus cieatur, fæces alvi & urina intercipientur. Inflammationes renum & vesicæ atrocissimis doloribus stipatæ ad cerebrum usque protenduntur. In inflammationibus hepatis, lienis ut plurimum, in peripneumoniâ, pleuritide plerumque, in anginâ exquisitâ semper adest capitis dolor. In febribus continuis, ardentibus, exacerbantibus, malignis, eruptivis, symptoma præcipuum est capitis dolor. Febres continuæ calorem excitant, exacerbantes ignem succendunt, ardentem incendio, tensione, dolore & inflammation caput exercciant. Malignæ febres alkalinæ (a) & corrosivæ materiei soboles caput

(a) Observarunt Hipp. Epid. lib. 3. sect. 3. Galen. de febr. differ. lib. 1. cap. IV. Diodor. Sicul. Biblioth. Hist. lib. XIV. cap. LXX. Prosp. Alp. de Med. c. Aegyptiorum. Dapper. in descriptione Africæ. Forest. observ. lib. VI. Julius Alex. de Bello Punico. Orosii liv. V. Kruker in Scrutino pelus, pellem ortum

ducere à putrefactione stagnantium aquarum, corruptorum corporum aëri pestilentiæ vim & naturam communicantium; eadem procreare corrupta alimenta. Hoffman. in lib. de origine pestis, sic & omnes febres a putrefactione gigni.

obſident, cum ingenti virium proſtratione, delirium, inflammationem, abceſſum & gangrenam brevi alliciunt. In eruptivis febribus non modò ſanguis ſepticâ & deleteriâ vi contaminatus omnes humores coinquinat, ſed & ſolida corrodit, exulcerat. In exanthematicis, ſcarlatinis, prodeunt papulæ morſibus pulicis ſimillimæ cum pruriginis ſenſu. In morbillis aſperitates cutis, in variolis innumera puſtulæ corpus occupant. In peſte bubones, parotides, febres putridæ, &c. eò infenſiores fiunt hi morbi quò ad caput cum dolore, delirio, comate & phrenitide cientur ſanguinis impetus. In ſalutem, alium morbum aut mortem terminari communis eſt omnium morborum exitus. Nunquam periculo vacat capitis dolor. Quoties in principio morbi apparet, graviffimum morbum portendit. Nulla eſt inflammatio tanti momenti quàm inflammatio cerebri. Phrenitici moriuntur penè omnes (a). Convulſio ex capitis vulnere, lethalis (b). In Phreniticis convulſiones proximum exitum ſignificant. (c). Doloris acerbitas in jugulo pauliſper fixa, ſi ad ſuperiores vertatur, mortiferum aſſert malum (d). In ægri perniciem tradit operam angina. In hac qui abs re prorepunt dolores ad caput cum febre ſunt deſperatæ ſalutis (e). A Peripneumoniâ delirium malum (f). Ab ileo malum (g). Dolores capitis continui & vehementes cum acutâ febre, lethales. In febribus acutis convulſiones & circâ viſcera dolores fortes, malum (h). In malignis (& in eruptivis) febricula cum comate & capitis dolore, mortifera (i). His in febribus morbi & naturæ inſultus eo conſpirant ut ſimul ſanguinis deſæcationem per cutis poros abſolvant. Retento vel retropulſo veneno ad omnia ſerpiſt viſcera. In exanthematicis febribus delirium periculofum (k). A peſte ſine eruptionibus lethale. In omnibus morbis convertatur attentio Medici oportet, ut præſentia moderetur, compelſcat aut proſtigat ſymptomata, præcaveat futura, metaſtaſes avertat.

I V.

VENÆ ſectionis inventionem arroget ſibi felix antiquitas, ſummum perfectionis gradum arti impoſuiſſe noſtra gloriabitur ætas. In inflammatione ſingularum partium peculiarem ſecandam eſſe venam exiſtiment veteres. In cephalalgia, cephalæa, præparatam, jugularem, cephalicam aperiant venam. In ophthalmiâ ipſam oculi venam, angularem, ocularem, arteriam & venam temporalem tundant: in anginâ raninam; in febre quartanâ ſalvatellam, in peripneumoniâ, pleuritide & inflammationibus viſcerum abdominalium ſuprà renes ejuſdem brachii venam; quin & Popliteam & ſaphenam utramque, in doloribus in-

(a) Hipp. 3.
Epid. ſect. 3.
ægr. 4. & Epid.

1. ægr. 4.

(b) Hipp.
Aph. 2. ſect. 5.

(c) G. len.
12. meth. cap.
ultim.

(d) Hipp.
1. Coac. 1. c.

1. Aph. 76. c.

(e) Hipp.
Coac. de ang.
gin. Aph. 11.

(f) Hipp.
Aph. 24. ſect.

11.

(g) Hipp.
Aph. 4. ſect. 5.

(h) Hipp.
Aph. 66. ſect. 4.

(i) Coac.
ſect. ult. Aph.

43.

(k) Hoffm.
de febribus,
Epid. & Exan-

them.

frà renes secandam opinentur. Nos circulatione sanguinis edocti praxim cum theoriâ conciliantes, morbos acutos venæ sectionibus colli, brachii & pedis curandos profiteamur. Quodnam morbi genus, ad hanc venæ sectionis electionem potissimum excitavit Medicorum industriam? In morbis acutis capitis dolor. Inter recentes plurimi præjudicatis opinionibus inhærentes sanguinem è brachio fundunt primo, saphenæ sectionem multò post habent. Neoterici (a) autem incipiunt à saphenâ & jugulari finem faciunt. Quid in apoplexiâ, phrenitide, anginâ, febribus continuis, ardentibus, malignis, eruptivis saphenæ sectione efficacius? Omnium est venæ sectionum sanguinis quantitatem evacuare, plethoram utramque vincere, solius autem saphenæ partes superiores exonerare. Vix enim in apoplexiâ, phrenitide & anginâ celebratur, quin non modò membra gravi obruta dolore, sanguinisque pondere prostrata statim sublevantur, pro ratione sanguinis à corde excepti; solidorum torpor exsuscitetur, distensio obtundatur, calor extinguitur, inflammatio sedetur, contractiones cordis & arteriarum æquabiliores efficiantur, circulationis circuitus infringatur; sed & depletionem specialem inferat capiti, copiam accedentis sanguinis detrahat, impetum coerceat, vasa mox disrumpenda exoneret, fugiant dolores, sensuum emporium redintegretur, partium vicinarum inflammationes, oculorum, aurium, faucium evanescant. Hâc inceptâ, eodem remanente cordis momento, à sectione ad cor tollitur impedimentum. Sanguine per aërem liberè transfluente liberiùs excurrit per totum venæ tractum & uberius effluit, acceleratur motus sanguinis per totam arteriam venæ continuam, pressiones in vasorum parietes exeruntur impares à sectione ad cor (b). Derivatus sanguis ad hanc arteriam in tibiali, crurali, iliaca & aortâ fluentem invitat, fluxurum autem ad caput deviat atque revellit. Eò efficacior operatur revulsio, quò major sanguinis quantitas educitur per amplum vulnus cum majori velocitate. Hujus theoriæ fundamenta jecit Hippocrates (c). Revulsio à supernis deorsum, ex infernis sursum, ait. Hanc prædicavit doctrinam Galenus (d). Affectâ parte supernâ, ex infernâ educatur sanguis inquit. Maximè conferre venarum pedis phlebotomiam in ægritudinibus, quæ sunt in arteriis ad caput declinantibus, dicit Avicenna (e). Sectione saphenæ sanguis à partibus superioribus ad inferiores trahitur, quare valet... in capitis passionibus, maximè in repletis ad divertendam materiam ad oppositum, juxtà Jacobum de partibus (f), eadem recinunt Fernelius (g), Varandæus (h), Bellini (i)

(a) Sylva
D. M. P. Trai-
té de la Sai-
guée,

(b) Sylv.
opus cit.

(c) Lib. de
humor. purg.
& lib. de na-
tur. ossium.

(d) Ad Glau-
conem.

(e) Lib. 1.

(f) In sum-
mula.

(g) Meth.
medendi.

(h) De in-
dicatione cura-
toris part. 2.

(i) De san-
guinis millio-
ne,

7

Riverius (*k*). In febribus continuis, ardentibus quid ut ab eâ incipiamus obstat? Nonne vigens Plethora calore febrili sanguinis expansa moles ejus detractionem expetunt? Nonne hanc cerebri imbecillitas & ad inflammationem proclivitas indigitant? In febribus malignis si quis ad eam tanquam ad anchoram salutis confugere recusaret, certissimis observationibus D. Chirac (*l*) & Pringle (*m*) confidat. Ille inflammatum cerebrum, hic suppuratum ut plurimum detexit. In eruptivis, scarlatinis, morbillosis, variolis (*n*) & pestilentialibus febribus quis non vereatur materiæ morbificæ ad cerebrum translationem? Ab imminente periculo servat saphenæ sectio. Quid eruptioni favet magis? Flexibilitatem conciliat cuti, arteriis vim systolicam restituit; sanguinis motus acceleratur, uberior perspiratio promovetur, heterogenea materies comminuitur, & ad corporis peripheriam propellitur. Quantum saphenæ sectio in assignatis morbis amica prodest, tantum in inflammationibus abdominis vigente Plethora inimica officit. Derivatur namque in collateralia vasa cruor eò magis, quò à corde remotiora sunt. Pauperatâ autem sanguinis mole derivatio lateralis ferè nulla est. Immoderatum sanguinis fluxum ab inferiori aortâ procedentem auget. Cane & angue pejorem fugiatur quoties ab inanitione prostrantur vires, syncopen citò lethalem accersit.

V.

TRIPlici beneficio etiam pro ratione capitis quamcunque præstare venæ sectionem evacuatione, derivatione & revulsione immeritò objicient adversarii. Venæ brachialis sectio generalem humorum copiam evacuat quidem majorem sanguinis quantitatem ad sectionis locum allicit & ab inferioribus partibus revellit, mirè confert ad solvendas inflammationes abdominis, immoderatum sanguinis fluxum ab inferiori aortâ sistit, at nedum hæc sanguis è capite educatur, contrà ad illud propellatur. Triplex est venæ sectionis è brachio cum ligatura respectus. Alius ante sectionem, alius in sectione, alius post sectionem. Primo quidem tempore non modò turgit venainfrà ligaturam, sed & arteria suprà ligaturam. Resistentia propè ligaturam major est & ad cor usque decrescit. Motus sanguinis propè ligaturam tardior acceleratur in ramis superioribus. Nisus in parietes præcipui vasis eò majores sunt quò à ligaturâ propiores, ejusdem ampliatur capacitas secundum totam suam longitudinem. Quantitates, velocitates & nisus in vasorum lateralium orificia eò magis crescunt quò à ligaturâ propiores sunt. Fit derivatio in collateralia vasa. Sublatâ resistantiâ sanguinis circuitui oppositâ, phænomena con-

(*k*) Inst. Med.
lib. 3. part. 1.
sect. 2. cap. 2.

(*l*) Optus
posthum.

(*m*) Observ.
sur les mala-
dies d'Armées.

(*n*) Sylva,
Traité de la
Saignée, t. 1.
ch. 11. p. 336.
Hoffmannus,
t. 3. sect. 1.
cap. 1X. de
venæ sect.
aliisque san-
guinem trah-
modis.

- (a) Sect. 5.
Aph. 68.
(b) Lib. 1.
cap. 13.
(c) Tom. 3.
sect. 1. cap. 9.
de venæ sect.
aliisq. sanguinem.
(d) Synopf.
1. 1. cap. 10.
(e) Meth.
Med. 1. 3.
(f) De arrabile lib. 1. sect. 5, cap. 12.

traria in vena contingunt; in arteriâ autem partim perseverant perstante eodem obice. Clausâ venâ iidem ac ante sectionem obtingunt effectus. Quis non videt ejusmodi incommodis liberari saphenæ sectionem? Nullatenus enim comprimuntur arteriæ peronariæ & tibiales, duarum malleolarum & Achillei tendinis beneficio; quin rarefactus sanguis aquæ tepore adeo copiosè ad inferiores partes ruit, ut alvi solutionem imò syncopen non semel promoveat. Hippocratem venæ præparatæ sectionem commendasse parte posteriore capitis laborante; (a) Alexandrum Trallianum Phrenitidem eadem mirificè sanasse, nihil ad nos. 1º. Veteres arbitri quæstionis minimè legitimi sunt, ut potè qui genuinam inflammationis naturam & determinatum sanguinis motum intra vasa ignorabant, derivatione partium dolores ingeminabant. 2º. Ipse Trallianus (b) & Hoffmannus (c) ut præparatæ sectione abstineamus vigente Plethorâ, aut spasmi vehementioribus præcipiunt, in melancholicis solummodò celebrandâ. In inveteratis capitis doloribus ex ipsâ affectâ parte sanguinem mittendum volunt Oribasius (d), Actuarius (e), Aëtius (f). Hac enim ad caput quàm antea copiosius advolat sanguis, si ejus appulsu non eluatur inflammationis agger, nec obicem transcendere queat, nedum remittat dolor, crudeliter recrudescit.

Ergo in acutis dolente capite saphenæ scilicet tardare malum.

DOMINI DOCTORES DISPUTATURI

- | | | |
|--|---|---|
| M. Henricus-Jacobus Macquari. | M. Petrus - Abrahamus,
Pajon de Moncetti, Eques. | M. Theodorus Baron, utriusque Pharmacia Professor, Regia Scientiarum Academia Socius, nec non Regius Librorum Censor. |
| M. Theophilus de Borden,
Eques, Nosocomii Regii & Militaris Baregiensis Medicus designatus. | M. Claudius - Thomas-Guillaume Guilbert de Prévât. | M. Andreas Cawivel, Regia Societatis Londinensis Socius, & Chirurgia Gallico idioma Professor designatus. |
| M. Amabilis Chomet, Consultarius Medicus ordinarius & Nosocomii Regii Quebecensis, Medicus ordinarius. | M. Jacobus Courlez de la Motte. | M. Benjamin-Ludovicus Lucas, de Laurembert. |

Proponebat Parisiis, J O A N N E S D E S C E M E T,
Parilius Saluberrimæ Facultatis Medicinæ in Almâ Universitate
Parisiensi Baccalaureus, Theses Author, A. R. S. H. 1757,

A SEXTA AD MERIDIEM,

Typis Viduæ QUILLAU, Universitatis & Facultatis Med, Typogr. 1757.